

DEMANTIJ BBI BANKE: Nije BiH na „crnoj listi“ zbog poslovanja BBI banke!

12.12.2016. u 16:09

MARKER

Navodi članka da je radi navodnog „halal“ poslovanja BBI Banke Bosna i Hercegovina stavljena na crnu listu, očito nisu utemeljeni na istini, posebno iz razloga što niko od navedenih predstavnika finansijskih institucija na sastanku kod organizacije Udruženja banaka nije iznosio niti insuirao gore navedene tvrdnje



FOTO: Bukvić (Agencije)

„U skladu sa članom 8. Zakona o zaštiti od klevete od FBiH, obraćamo Vam se radi zahtjeva za objavu demantija i ispravke neistinitih informacija koje su objavljene na internet portalu thebosniatimes.ba, dana 21. 11. 2016. godine, pod naslovom „ZELENI TERMITI“ NAS ZAVIŠE U CRNO! Eksperti sumnjaju da je BiH na crnoj listi zbog poslovanja BBI Banke?!“

Kao glavni urednik, sačinili ste bombastičan i senzacionalistički naslov u članku „ZELENI TERMITI“ NAS ZAVIŠE U CRNO! Eksperti sumnjaju da je BiH na crnoj listi zbog poslovanja BBI Banke?!“, sa očitom namjerom da privučete pozornost javnosti cijeneći da, u društvenom ambijentu i okruženju kojem živimo, sa takvim naslovom možete privući interes čitateljstva, ili iz nekih drugih razloga samo Vama poznatih.

Naime, iz samog naslova javnost bi trebala zaključiti da objavljujući predmetni članak, već imate pouzdane informacije i činjenice daje upravo zbog poslovanja BBC Banke dd Sarajevo, država Bosna i Hercegovina Uredbom EU stavljena na crnu listu. Dakle, jos iz samog naslova članka vidljivo je da se radi o šmisljenom, unaprijed planiranom i dogovorenom ataku kako na poslovni integritet Bosna Bank International, tako svakako i na njen ugled koji uživa u poslovnom okruženju. Dakle, navedeni napad prema intenzitetu i prilikama sredine, te prema prosječnom shvatanju datog vremena i date društvene sredine uzrokovao je jasno manifestiranu povredu ugleda i poslovnog integriteta BBC Banke kao finansijske institucije.

Dokaz: Fotokopija članka preuzetog sa portalu thebosniatimes.ba (u prilogu)

U spornom članku, navodi se „Iako nije imenovan krivac, finansijski stručnjaci sumnjaju da se radi o navodnom „halal“ poslovanju BBI Banke“. Navedeni dijelovi teksta predstavljaju klevete za našeg klijenta, jer te tvrdnje nemaju utemeljenje u istinitim činjenicama, pa BBI Banku s obzirom na to, kao i na funkciju značajne finansijske institucije, koja posluje isključivo po pozitivnim zakonskim propisima u Bosni i Hercegovini, diskreditira i svrstava u red pravnih osoba koje rade protuzakonito. Naime, navodi članka da je radi navodnog „halal“ poslovanja BBI Banke Bosna i Hercegovina stavljena na čemu listu, očito nisu utemeljeni na istini, posebno iz razloga što niko od navedenih predstavnika finansijskih institucija na sastanku kod organizacije Udruženja banaka nije iznosio niti insuirao gore navedene tvrdnje. Nadalje da navodi koji su izneseni u tekstu nisu istiniti i da predstavljaju djelo klevete, da se zaključiti i iz službenog izjašnjenja Agencije za bankarstvo FBiH od 23.11.2016. godine gdje se izričito navodi da "Agencija za bankarstvo FBiH i u domenu nadležnosti sprečavanja pranja novca i financiranja terorističkih aktivnosti prati stanje u bankarskom sektoru FBiH i nije uočila nikakve značajne neusklađenosti i nezakonitosti u okviru ove oblasti".

Dokaz: Članak objavljen na portalu Klix.ba od 23.11.2016. godine

Da predmetni tekst predstavlja djelo klevete, odnosno da isti sadrži mnoštvo neistinitih činjenica, ukazuje i činjenica da Bosna i Hercegovina, suprotno navodima objavljenog teksta, nije na „crnoj“, nego zapravo na „sivoj“ listi, i to isključivo iz razloga neusklađenosti Krivičnog zakona u smislu kriminalizacije finansiranja terorizma i pranja novca, nepostojećeg pravnog okvira koji nalaže zamrzavanje imovine terorista, neimplementiranja adekvatnih mjera za kontrolu neprofitnog sektora, neuspostavljanje adekvatne kontrole pograničnog prometa stranih valuta, neosiguravanje adekvatne procedure oduzimanja imovine i nepostojećeg nadzornog okvira.

Dakle, d se nesporno zaključiti da tekst objavljen na portalu thebosniatimes.ba, sadrži mnoštvo neistinitih činjenica uz identifikaciju BBI Banke i njenog poslovanja kao isključivog krivca za stavljanje države Bosne i Hercegovine na sivu listu FATF-a. Iz ovakve tvrdnje očito su prekoračene granice dozvoljene kritike i sasvim je jasno da se ne radi o sumnjama, već upravo o teškim i ozbiljnim optužbama koje urušavaju poslovni ugled identifikovanog pravnog lica. Ovakvi paušali navodi predstavljaju grubi nasrtaj na stečeni poslovni ugled, a sve u cilju poslovne diskreditacije s izravnim negativnim refleksijama na dalje poslovanje.

Najkraće rečeno, činjenice objavljene na portalu thebosniatimes.ba, u potpunosti su neistinite i predstavljaju tešku povredu poslovnog i profesionalnog digniteta BBI Banke sa izrazito negativnim posljedicama vezanim za dalji poslovni integritet i stvaranja negativne slike u očima šire javnosti. U skladu sa odredbom člana 6. stav. 1. Zakona o zaštiti od klevete, propisano je da se pod klevetom podrazumijeva iznošenje neistinite činjenice, što su gore označeni u konkretnom slučaju i uradili.

Oštećeni je ugledna poslovna finansijska institucija i značajan akter javnog Života, te se ovakvim tekstom tendencioznog i uvredljivog sadržaja javnost pogrešno informira,

Na ovaj način, u profesionalnoj sferi, podređena su materijalna dobra vezana za poslovnu sposobnost u obavljanju registrovane djelatnosti našeg klijenta. Naime, objavljenim tekstom i neistinitim izjavama prikazujete BBI Banku kao pravno lice koje neprofesionalno, nemarno i sa krajnjom nepažnjom obnaša svoju dužnost u bankarskom sektoru, koja ne sprječava krivična djela pranja novca i finansiranje terorizma, čime na izrazito uvredljiv način prikazujete način poslovanja našeg klijenta, te poduzimate aktivnosti da se tendenciozno i namjerno povrijede poslovni ugled i stvori negativna slika u očima šire javnosti. Iznošenjem i prenošenjem ovakvih neistina, gore označeni portal, zajedno sa Vama kao autorom i urednikom, je grubo oklevetao našeg klijenta, čime je nanio materijalnu štetu zbog povrede poslovnog ugleda, koju još uvijek trpi zbog objavljenog teksta, pa iz svega naprijed iznesenog zahtijevamo da objavite javno demantij ove informacije i javno se ispričate za ovakvo postupanje“, stoji u demantiju BBI Banke.

(TBT)